



05810 ✓

刻陽山誌序

夫匪言弗彰匪識弗傳足彼事物莫不異然况
茲山乎故名雖標於郡記而文寔畧於圖經談
形勢則句吳之鉅望叙古跡則夫差之所棲述
靈異則繆氏之產龍著草木則農轅之論餘若
此之類是皆錯現於羣編而間出於民口者也
是故討奇之士或辨析之未周博物之流亦鑿
識之未悉豈非使人勞心於檢閱而困智於訪
求不資叙述之謀寧免隱晦之歸乎予蓋家於
是山爰自幼小遂今已廿餘年早捐干祿之業
夙敦肥遯之懷踪跡罕追於續畧言談每狎於
芻蕘故凡聞見之間旋加采紀玩讀之頃亦費
考咨繇是隱者昭而晦者著矣而併集其詩文
編成三卷目爲十篇篇各首述其旨而終讚之
以俾將來之欲知是山者庶幾不出戶庭而高
深之感覩陟彼崔嵬豈文辭之有訛此非載勝
之書而卧游之假哉予友顧君大有研文綜理
索古窺今棲遲於山同丘共壑者也數相往來
必有論討執予所作彌致稱嘉廼命工人梓而
傳焉豈曰自矜其能良以顧君之意不能廢也

予故忘其褊淺重爲序云嘉靖庚寅仲春望後
郡岳岱撰



陽山誌卷上

鄴郡岳岱撰

山勢第一

泉石第二

臺洞巖壁第三

古跡第四

山勢第一

夫玄黃判質則度類咸陳牝牡分形則山川始定惟五嶽列鎮於天下名山特表於一邦大小雖殊厥理則一吳中山水冲澗歸鬱標名而擅美者衆矣若夫出雲爲風雨獨雄而効靈者不在茲歟是用紀述其形勢以首諸篇

山在郡城西北三十里高八百五十丈週廻四十五里其勢首尾延袤南北東西面陽故名曰陽蓋取山東爲朝陽山西爲夕陽之義又以其勢四面飛動名曰四飛南北中三峯俱高北曰珠冠頂美之也中爲箭闕峯莫高於是矣摠而言之有十二峯

山之南多荒峻其西北皆崇巖浚壑林木森茂鬱然幽勝

其小山在西者曰陽抱曰青曰寒曰圍在南者曰爪在北者曰管曰金芝曰鷄籠或名懃龍雖

各立名然皆支隴相屬統於陽也

山之嶺南曰耙石西曰青山曰寒山北曰金芝東曰白塔嶺上悉有路以通山行

山之塢西曰白龍曰青山東曰紫藤北曰戈家曰瓜藤曰大石南曰菖蒲皆深靜

下有田皆就溪壑而成雨後則澗流高下以及於田山間之民得以耕也

讚曰鬱鬱者陽卓彼吳望疇曰四飛寔以其狀亦有崔嵬霞表羣山巋然輔麗厥宗是焉吐雲泄霧神靈攸閔若旱以禱隨獲甘澍翠深北塢玉聳西巖爰居其地可以游盤

泉石第二

夫坤儀既成必以骨脉自寶良體亦時豈外泉石得名故蘊乎內者見乎表美於外者根於中是以嘉山吐奇不言而人信君子體道逾隱爲益彰

也
丁令威井在山東麓相傳是處有宅故井尚存

絕頂石壁下有井鑿石而成雖旱水不縮清冽味甘非他水可及每至必屢啜而歸

雲泉在大石塢水自石上瀉納小池雖山下居民不以操壘爲遠者蓋亦泉之美也

上清澗在山的北有橋亦從澗之名

有澗在白龍塢其水潺湲噴薄雨後益奇澗至山半有石積如臺是處可坐水於是分也下而復合皆伏流亂石中又出而下去里許歸於溪吳興白鐵道人王濟以厥勢蜿蜒題曰飛龍大石在雲泉之上石上有庵因名曰雲泉有石梁飛跨巖上又有石龕石磴石牖皆天然奇勝一石之間而衆美俱得者殆亦少也

山之南有石玲瓏秀潤似出太湖白塔嶺亦有之多在土中

香爐石在箭闕峯北高聳數丈石上復有石生於天然又無所屬勢如香爐故名

讚曰瞻茲名山有美泉石旣美斯藏匪探曷得石泓蘊澤在彼崇巔香爐數仞雲表峩然丹井千春選瞻仙跡巨石盤陀翠開玉立紛紛塵世渺弗爲羈信俾來臻孰不稱奇

臺洞巖壁第三

夫山體始定隨氣以成骨相旣存有奇必顯是

以爲臺爲洞爲巖爲壁吾未嘗不閱而愛也故峭者可倚懸者可仰穴者可探平者可坐矣夫奚往弗得哉

箭闕之下有臺方廣三四丈上有古桂二株坐此而眺可極目於東也

又有一臺前臨深壑勢若干仞令人莫能下視昔有人好西方者於此捨身故名捨身

鷄籠山有洞戶在巔中有石磴盤旋而下昔有探者曰其去甚遠燭盡而返上聞風濤舟櫓聲太湖林屋之通穴歟

石室在白龍塢上其寬僅可置床几稍東又一巖有上下洞儼如樓居白塔嶺亦有石室不及此也

滴水巖在大石之東其石如怒倪掀脣其下可坐數人水自吻出冬夏不竭雨後瀑布益可觀也

箭闕之下有石壁高十數丈鬱然蒼峭下列僧房人之游者題名於此

白塔坑在白塔嶺上土人取白塔於此故坑中甚深四起石壁是處絕奇勝

讚曰崇山孔深莫悉其勝弗之探求詎造深
靜粵茲仙洞孰造而然巖樓石室吐霞納煙
臺曰捨身寔以其峻垂堂有言臨此心震文
殊石壁千古攸開懸石爲巖具曰奇哉

古跡第四

夫神怪其說君子莫之雅談民俗相傳紀作恐
乎或漏是以濡毫之士必求故實於前人該物
之流不謂蕪言於後述矣若茲山者高深而靜
必假事以表靈故仙流異人徃徃可考迺錄其
事以次於篇

有餘杭城者周襄王時神女所葬也神多靈

蒸山南夏駕大塚者越王不審名塚也陽山亦
名蒸山

吳王夫差義子塚十八所相傳在山南二里今
失所在

夫差旣殺子胥游於姑蘇臺晝寢而夢召公孫
聖問焉聖直言之遂怒殺聖仰天言曰天知
吾之冤乎忠而獲罪身死無辜葬我深山後世
相屬爲聲響於是夫差投之蒸丘及越入吳夫
差晝馳夜走達於秦餘杭山采生稻而食伏地

而飲曰是公孫聖所言不得火食走倥偬耶因
三呼公孫聖聖從空中三應之須臾越兵至擒
夫差於干隧干隧者出萬安山西南一里也於
是越王數夫差大過者六謂范蠡殺之者三越
王與之劍夫差旬日自殺越人累土葬之卑猶
曰蒸丘曰秦餘杭皆陽山別名或曰亦名卑猶
萬安

吳太宰嚭塚在卑猶山嚭楚伯洲犁之孫楚誅
伯洲犁而奔吳吳以爲大夫讒於夫差殺子胥
及越滅吳嚭誅亦葬此山

箭闕者俗傳秦始皇射也其傍有巨人跡著於
石上長五尺許

山有漢豫章太守陸烈墓相傳在山南二里

晉司空陸玩墓在鷄籠山太康二年葬也土中
得石鳳飛去其子訥爲吳興太守終尚書令亦
葬此山

陸績墓在陽抱山元季崑山朱氏卜葬此山夢
朱衣人謂曰吾陸績也墓吾墓也君能讓之爾
後有興於是土中果得舊榭避而葬焉由是世
爲吳中縉紳之族代不乏人至今盛科目者皆

稱之

龍母塚在白龍塢塢之名由於塚也東晉隆安中山民繆氏女出游水傍遇白衣老人故今山西二里許有龍塘焉歸而孕父母惡逐之乞食里間明年三月十八日忽產一龍迅風折木雷雨晝暝既霽見白龍昇騰變恠母遂驚絕因葬於此鄉人廼祠於山巔相傳龍子分職瀟湘每歲誕晨必歸山中見於雲表又即其塚而廟之至今完像祀焉

丁令威宅即丹井所在之處又名其山爲白鶴峯

耙石嶺相傳有異人於此耙山故今嶺東西石上皆有齒痕非人所僞

讚曰瞻彼崇隆鬱開古始邇懷求之異跡用紀若巔之闕孰矢孰絃異哉巨人著跡宛然葬女何神於篇有炳徂聖既投三呼三應下仙歸鶴繆女驚龍紛紛靈竒厥理難終

陽山誌卷中

鄴郡岳岱撰

寺庵廟第五 草木第六

藥產第七 堂墅第八

寺庵廟第五

夫禪誦之學必由清淨而成精進之徒豈捨安閒而處是以金姿寶相間開於巖壑之區列梵諸宗相望於雲林之表矣茲山支隴陂陀四抱塚麓皆建佛刹各據清勝雖僻遠鮮到人之慕而游者皆有棲息而忘歸焉

澄照寺在白鶴峯下又名白鶴寺有二院一曰仙泉一曰白蓮唐會昌間丁某捨宅爲寺相傳即丁令威故宅其蓋令威之後宋學士謝濤嘗讀書其中

文殊寺在箭闕峯元至正間僧法海開建或云太定四年蔚禪師建也 國朝天順中僧順請額再新之由東麓以昇悉治石磴盤折而上隨有平臺茂樹以憩至則殿宇依石壁而構古樹藤蘿垂覆其上東望城郭隱然可見 淨明寺在山之南是處有奇石

正性山居在淨明之南始爲曲逕以入皆松竹交蔭有堂有樓皆軒爽至是者多游之

半山寺在山之東宣德間僧信所建山半聳一巒寺據巒上一名源隱今已廢

大慈寺在山西澗之上元大德二年僧靜一剏置是處有村村民以寺爲鎮

尊相寺在山北相傳最爲古剎然無碑記可考或云晉所創也元季毀於兵火永樂間僧本開重葺之廢址尚在

雲泉庵在山北深塢中元大德間僧覺明自尊

入陽山志中

相入大石巖剏置國朝匏庵吳冕嘗記之但未及詳始欲循逕以入茂林幽澗若將迷焉行漸深有臺至是少憇仰望樓閣勝不能圖攀磴再上即之有長松美竹列映石門有佛閣軒亭皆因宜構架石上前臨深壑松竹森鬱於下太湖遠峯可收一望

景福庵在耙石嶺有竹林清池頗亦幽勝

顯濟廟在澄照之傍白龍母廟也宋太平興國

間廟在山南曹巷熙寧九年遷於是相傳昔京

口江步有白鬚老云自長沙來買舟至陽山省

親許錢十千先與其半登舟今篙師瞑目忽抵
許市舟人隨至山間值風雨避於廟中忽於神
像前得錢始知爲龍遂以錢設僧供辭謝而去
逮今雨旱禱之輒應有司祀之代有封號有碑
東嶽廟在管山相傳宋皇祐間建也紹興中金
兵毀之淳熙丁未平江摠管開趙與道士周應
拳重建錄之者統於尊也

蘇司馬廟在山之南土地廟也前有古栢一株
或云宋植也

山神廟在金芝嶺

入陽山志

讚曰西疊羣峯惟茲靜深高低蘭若標隱雲
林鶴峯澄照令威仙宅箭闕文殊高倚石壁
雲泉之庵稱彼盤陀亦有諸寺各選巖阿爰
棲釋徒逍遙三五誦葉烹泉朝鍾夕鼓

草木第六

夫山林氣茂則百植駢生泉土攸宜則衆毛益
美是以奇丰之卉獨表於東南青葱之木無變
乎寒涼矣品類甚繁池山所有茲不復紀焉
竹之類頗多惟毛竹高而美雲泉文殊皆有之
人有分之植者移輒弗活蓋亦種之貴也

靈芝山中時生者多赤色亦有黃紫者不易得也

馬蹄草生箭闕峯葉類車前其氣芬香可置衣篋中

長生草一名萬年松巖下澗邊生之拔於烈日中曝乾藏之雖久沃以水則青葱如故

有一草生山谷中細葉扶踈拳旋枝未着土即生根人罕識之或名曰鳳尾

黃萱生山北岡阜間夏秋發花清香異於家植者真鵠嘴也

八陽山記

四

珊瑚樹高二三寸好生巖下竹間至秋子紅如珊瑚故名或有植之瓦缶中鬻於城者

金鵲花有二種其枝葉亦異一開於春初一開於春末花色黃赤狀似飛鳥故名

西白龍母廟有栢一株甚古大可二十圍相傳植於晉也

漆樹春生白花結子作房秋時綻開其色紅艷如花甚可愛亦山異木也

映山紅其樹尺許葉厚而深綠生子紅竹林中有之他山未見也

登青樹頗高葉經冬不凋生子紅至秋望之爛
爛可愛山鳥多食之

讚曰嘉茲異植媚彼岡麓或蔓或柯烟紺霧
綠珊瑚海樹奚產乎丘鳳尾載芬於谷之幽
竹栢苞茂真堅厥性靈芝秀發瑣芳曷並維
天維喬含姿吐香樂我隱人功歸后皇

藥產第七

夫崇山氣粹必生療疾之殊英靈阜仁全豈乏
通神之上卉是以攝生之士望巖澗以爲資采
藥之徒瞻雨露而舉趾繁而莫辨未敢悉言故
但著其常取諸品於篇爾

人參生山高處或有能采者

菖蒲生澗磧間采之芳香一名昌陽一名堯韭
一名蘭蓀

薯蕷山下有之蔓間生子可食根食之尤美別
名山芋

山梔夏初開花白而清香結實紅亦可染山頂
麓皆有之

野菊九月采花或有結實者而人罕知也

麥門冬多生竹林中人采其根即羊韭也

赤箭山麓間生之

金罌子叢生山下籬中春花白而香其莖多刺
子上亦有刺秋後可采

鳥不踏草山下生之引蔓於草木間小黃花皆
成串結子夏秋間碧色可愛子下及蔓分處各
有一葉承之蓋以多刺弱脆飛鳥不能棲止故
名方士云可制永

半夏生山下濕處

金銀藤山上下皆有之

瞿麥生山北澗谷中別名巨句

山查樹高二三尺七八月人采之

草龍膽生山谷中花如牽牛即陵游也

牛膝山下生之莖間有節如膝故名

紫花地丁其葉類蟹臍二三月生紫花亦有白
花者山人采之合米粉爲丸造白醴用以爲藥

俗名酒藥草

白墻一名白石灰出山北深坑中土人用以圻
壁前代爲吳中土貢至今遠近取之

讚曰上古之民含真具朴智欲肇興天疾廼
作神農嘗藥軒轅著經雷岐繼出厥道逾神

茲山陂陀靈氣攸萃草木孔繁採挾咸至維
北厥產白石之脂雲滋雪皓遠近稱殊

堂墅第八

夫道以志隆情由居定故養心之士必嘉幽邈
而棲超俗之賢豈以荒閒爲歉經哲重損益之
爰詩人興澗谷之詠今之爲道亦庶幾乎

唐顧煉師草堂言在陽山李頻有詩今莫定所
在

國朝虞公務白鶴山房在白鶴峯下永樂間公
務抗俗隱居知詩好禮當時吳下名流並崇其
志尚多題贈篇什可觀

大陽山志中

玉峯先生別墅在金芝嶺北南山如屏北嶺爲
帶清流導前潺湲堂下殫厥幽閒先生名希周
居鄉歷公有德有操本籍崑山陽抱山先墓所
近益恒居之

白鐵道人隱居在戈家塢是處巒壑竒泉石
交美尤多松菓楊梅獨饒白鐵吳興王濟也因
游於蘇買山卜築之

陽山草堂在大石塢下顧大有居也其堂制壯
而美又有園池竹亭顧君工詩兼善繪事

讚曰山居孔間亦孔之勝苟非心棲胡寧有
定名公釋糲高士盤桓易貴酌損詩美弗諼
或新其堂或邃其室各求其志茲焉托跡松
雲沓戶泉石交窻爰居爰處世慮咸忘

陽山誌卷中

陽山誌卷中

八

陽山誌卷下

鄴郡岳岱撰

飲食第九

詩文第十

飲食第九

夫德於民者雖鼎食猶慳寡於事者則一簞可耻故聖人設誠惠夫飽食之徒詩人立言嘉彼伐檀之子茲山所產既繁有可食者焉山棲者甘之亦奚過乎

一陽山志卷下

者曰團筍斷而出之味益鮮美但不多得市鬻者皆遠自湖浙故味不及也

茶頗異別土者汲泉烹之其色碧綠香而味佳誠不厭啜

蕨以春初生者其葉未舒嫩可食根可作粉有毛者山人名曰狗脊非蕨也

青飯者色青黑甚香美山僧至四月八日以一
種樹葉即曰青飯樹取汁漬米炊以遺人亦曰
佛飯

藟者惟山中有之蓋草木之脂入土蕪得膏澤

則生驚蟄時生者山人名曰雷驚莖高白而斑者曰溪鵝紫而青者曰青紫小而實者曰夫籛青赤色損之有汁者曰朱血色黃而味甘者曰糖諸種並佳凡白摺紅面者純白者與無摺者采者棄之生楓樹者曰笑葷食令人笑不止飲以土漿則愈又法烹時以燈草數莖投釜中燈草黑有毒不可食

讚曰凡民有生飲食爲天紛紛梁肉世俗同甘藹藹山丘有美厥產以采以烹足充清饌匪沽匪市品品來陳朝盃暮盤適口俱珍詩不有言允親士德惡茲素飡斥彼非力

詩文第十

夫游廊廟者以功業爲先圖游山林者以詠屬爲良務何則靜動之理殊而內外之感異也是以雲林清勝必歌容與之言弗宇始經寧闕敘述之作昔人已徃是恐弗傳後作殆多豈能備錄

唐李頻題顧煉師草堂詩云若到當時上昇處長生何事後無人前峯自去種松子坐見將來取扶神

宋范成大觀土人取白堊詩銀鬚玉璞紫金精
犯難窮探亦有名白堊區區土同價吳儂何事
亦輕生

謝壽題澄照寺主師壁詩疊巘收雲拂眼明
依香社豁高情主人心似秋池水一日看來一
日清

王禹偁令長洲時寄草庵禪師詩陽山山下草
庵深寂寂香燈對遠岑莫恠相看揔無話坐禪
爲政一般

元周南老陽山詩高出衆山上獨有秦餘杭煙

陽山志

三

雲度林麓青翠摩穹蒼中有神龍居以時司雨
賜夫差昔夜匿于焉絕糒糧三呼輒三應道窮
逾倥偬公孫言可徵山靈爲摧傷

顧仲瑛過雞籠山題山家詩鷄籠山下野人家
清曉寫詩邀品茶秋風過樹落紅葉夜雨滿溪
流白沙

國朝高啓白龍廟迎神曲薦芳芳英斷斲木爲
梁芳葺荷以爲宇神不來兮孰處空山湫兮暮
多雨渺吾望兮瀟湘雲溟溟兮水茫茫有美人
兮在堂曷歸來兮故鄉

其送神曲導赤鯉兮從玄鼉冷風回兮水驚波
儼雲旗兮下來巫撫節兮安歌安歌兮未極條
迴軒兮山之側南有淵兮北有湫神不來兮我
心憂願歲兮惠我秋

鄭善夫雲泉庵詩幽寺任雲泉湖光遠接連寺
鍾山色裡林雨鳥聲邊盤曲松垂地崔嵬石倚
天中原尚多壘此地合棲禪

吳興王濟游覽陽山有愛將岡巘夕陽時丹青
貌上鷺溪綃之句

五嶽山人黃省曾寄題秦餘草堂詩幾月山中

大陽山志

住清幽意不譁衣裳渾草木談語半煙霞屋壁
生雲氣窓虛墮竹花漁源倘探入將謂避秦家
顧大有草堂雜興詩自笑謀生拙閒居興最優
嵇康元不俗顏闔自難求山近林塘密溪明几
杖幽朝來頗踈快隨意看雲流

吳寬李姓張淵史鑑大石聯句詩巖巖者大石

姓

奇觀人所誦遐想十載餘寬來游五人共捨

舟始登陸淵持策不待控是時日當夕鑑茲山

氣逾翁寬入門信突兀姓拾級轉空洞落星何

破碎寬靈鷲宜伯仲仰觀神欲飛淵俯瞰心屢

恐鱗皴剥苔蘚鑑骨立冰雪凍神驅道攜訶姓

鬼劈紋錯綜尊嚴稟君臨寬張拱儼賓送環列

盡兒孫淵擁護等僕從欲假愚公移鑑諒匪雍

伯種卧鼓慨桴亡姓對曰怯杵重猊吻呀禾收

寬龍鬣怒難控疑血疑痛鞭淵立肺詎冤訟上

漏還啓窓鑑中通自成術大惟補天功小可砥

肌用分矢肅慎來姓浮磬泗濱貢淵廉利並攢

劍兀臬側倚甕嶧山辱羸秦寬良岳遺汴宋截

彼民具瞻淵壯哉客難奉鑑落照紅林赭歸雲

白流永僧講點頭磨姓將射没羽中塵緣契三

陽山志下

五

生寬陳圖懷士縱淵在懸太師繫攻玉詩人諷

僊煮充腹飢鑑俗堵免腰痛瑤琨產維揚寬琅

玕出乃雍高題少室名姓怪作東坡供半空見

玉螭千仞附青鳳淵棲禪餘百年問僧僅三衆

憑虛廻曲闌寬架壑出飛棟竹幽補堂坳鑑樹

古嵌厓縫竇黑炊煙熏姓坎平鍾乳壅盤盤棧

道危寬灑灑水泉動淵登頓足力疲眺望眼界

空鑑松露髮欲濡潭月手可弄寬窮攀任生駮

姓醉吟微帶髭列坐對鸞跼淵大呼應鏗確啻

癡牛李愚鑑詩戰鄒魯闕拜奇得顛名憂墜成

噩夢試與叩山靈儻售捐薄俸

南峯先生揚公循吉雲泉庵和大石聯句云偉
哉此陽山有石俟歌誦形將冰魄截執與蓮花
共仰觀一何高登陟不可輕鳥飛必徘徊雲出
自騰蒼孤圓外成嶠空朗中含洞瘦如辟穀良
清若食蚓仲深思殆天設乍至令人恐濃蘿垂
作陰寒泉滴爲凍戴庵亦顛危携觴更友綜耳
脇或駢攢勒拳時獨送巍巍上少並森森下多
從荒厓始誰開倒樹諒非種在茲三吳間當以
九鼎重崇巖借冠冕卑齷聽提控勞呼猿固匿
被壓松堪訟曲躬始得門側身還入術拂苔劣
容眠收乳兼資用志猶記秦餘才曷遺禹貢立
久氣濕袍嘯高聲答甕論年越殷周言時晦唐
宋一爲佛者居永作游人奉病宜謚著史寐稱
搏養汞四方傳不誣諸公評切中臨谷足還酸
乘巔目偏縱支頤詎厭看極口難竭諷鬼鑿手
湏胼鯨負背應痛東岱徒小魯西華繆推雍懸
磬風發鳴香爐煙結供曝紗伏靈龜食岡停遠
鳳是知隆拔群所貴秀合衆偷餘斲容猿就隙
亭閣棟枯藤蔓穿窳長蛇舌撩縫輕清受指彈

玲瓏脫沆漣芾拜本無忝羽撼爭得動栽培
尺閑構架靡寸空炎伏涼自生清秋月堪弄
深必賴燭嵐酷能作躡星化猶立芒龍吟殊
嶺獅馴已賓阜虎猗敢闕久嗟隔勝賞頻勞
落清夢即欲營終棲其柰懷微俸

宋陳最澄照教寺記佛宇之興其來尚矣自竺
乾入洛象教歸周琅函流貝葉之文寶塔闕玉
毫之相莫不圖諸爽塏樹乃精藍苟非背山而
面林左泉而右石則何以延大千之開士啓獨
孤之名園是故鷲嶺雄標世尊因而說法雙林

秀拔惠遠由是莫居蓋人境之兩殊亦古今而
一致蘇州郡城之西北三十五里山曰陽山山
之下寺曰澄照先是唐會昌中丁某施白馬磧
宅爲白鶴寺後有龍興寺僧智義因遊其上縱
目周覽嗟其年祀寢遠名額僅存榛莽靡除基
址甚隘於是鴻臚卿左衛大將軍曹茂遠六代
孫玄祚捨祠堂基以構寺不改舊額因而遷之
始初茅茨數十間而已觀其岡巒環合巖谷洞
呀其佛者之津梁乃道林之形勝靈啓其地人
興厥謀決智力而有開獲神明之來義寺中有

靈泉潛發莫窮其源決洩蓋自於神功䟽鑿豈
因於人力引山渠者數派溉民田者百塍水旱
不更其淺深遠邇必沾其潤利爲國彭城威顯
公嘗而異之因改曰僊泉我宋祥符初始賜今
額乾德中義公旣没上足蘊明嗣而續之香火
無廢道者蘊與亦義公弟子也勇猛精進出於
常倫痛先志之未終發精心而善誘由是智者
獻謨壯者效用經始勿亟舉而新之敞廣殿以
安睟容飾華龕而度大藏厨有庫香積之供成
僧有堂如雲之衆集晨昏是警鼓鍾於百尺之
臺水陸致虔設會於五層之閣而又置懺院法
華院亭榭高揭房廊繚周耽然巍然不勝其壯
觀矣開寶中太保韓公承德復捨梳洗樓爲塔
院詳其始末叙厥廢興見徵蕪辭用紀玼琰時
天禧五年十一月二十一日記

讚曰綿綿崇山鬱鬱林谷春霧爲容秋霞麗
矚有厥名寺搜勝以居爲堂爲殿丹碧煥如
信美於山羣公游屆悠哉詠歸載欣載慨或
記之文豐碑碑然金玉有爛與山求傳

